


Grob oder falsch

(ASP010-16.12.89)




Muonscht *as sei* wohr, daß, wio ma seit,
wer d' Wohrart giegat, viel vorheit ?

Mir kut *as vor*, wer all ommgoht
zum säga, wio *as* wirklä stoh,
der macht zwor nio an Hufo hio,
blos: Spiogol luoga - sott ar nio.



(ASP/010-16.12.1989)



Schüos ischt rar

(AS012-05.11.89)



Was sügond ihr iotz ou zu däm,
wenn all Täg zuo öü 's Christkiond käm.

Ma stell sä vor, as künt jo si,
do Oschterhas leit alltäg i ?

I muonn, as gäb meh Fröüd as Klag,
wenn alltag wär do Klosotag.

Ma woaßt natürlä, Schüos ischt rar.
Däs isch halt so, as nützt nünt, klar!

Und d' Inflation vo Schüonom tuot
nid Junga und nid Alta guot.

Will Jung und Alt siot däs ou i,
nid alltag kan-n-as Kilbä sie.


As wüscht sä jeda sus fascht nünt
as daß as besser wörro künt.

As müoßt a klä blos besser wörro.

Ma würd ou woll no wüscho dörro.



(ASP/012-05.11.1989)




A-n Insol fiondt ma üborall,
zum Beischpiel undr am Wassorfall.
Do ka-n-as Kios und Sand aschwämmo.
As schwämmat a nöüä Insol zämmo.

Australien ischt an Kontinent,
dean ma di weol-gröschd Insol nennt.
An Insularar dänn ou hoascht,
wenn d' gär nünt vo-n-ar Küschtä woascht.

Und z' England seit ma d' Insol, gschied,
arzeugt domit am Feschland Nied.
As blogat uos, wenn 's dänä dunkt,
sie seiond all no Mittolpunkt.


Nid jedä Insol lit im Teich
gad mängä ghört dom Wüschtscheich.
Oasa zellt ma uf-or Wealt
Zu `n Insla mit dom meischtu Geald.

Und d' Mainau lit im Bodosee,
soviel ma woafst, sit eh und je.
An Schwed heat döt, reacht guot bewacht,
ou Geald us sionom Eiland macht.



Humor

(AS014-15.12.90)



(halt so, wio-n-o i sich)

Ma heat 's alltäg mit Lütto z' tuo
ob i dor Fröndä, ob dahuo,
bi jedom, uofach odor gschwollo,
Humor spielt all die wichtigscht Rollo.

I säg öü uos, as ischt nid glogo,
as heat all der do bessro zogo,
wo, wenn as ionn ou ghörig gschiorat,
no lang nid am Humor voriorat.

Humor, dean kascht om s' Geald nid koufo.
An Toal, dean heascht scho vor-om Toufo,
an Toal, dean heascht ganz junga gfassat.
Wenn d' däs vorsummt heascht,
heascht-s vorpassat.

A klälä giorbt, a klä arzogo.
Scho früoh, scho früoh git 's herrgots Kogo,
Siond all sa load, wio d' blös mascht dänko,
ma müößt mor deannaruonn nid schänko.

Zom Glück, so git as Luschtig ou,
heand gär nix as a zfiendnors Gschou.

Will d' Löödä lit do Zfriedna fern
sie mügond sä halt sealb ou gern.

Humor, i gloub, dean lehrt ma niona,
Ma künnt dormit viel Geld vordiona.
Will Giosgram si, däs wett nid uonna.
Wenn-d seal-on hörscht, so isch ar kuonna.


I gloub, wenn uonna lacha künt,
statt mionga, weagot nix und nünt,
i gloub, dänn wär ar Stund om Stund
totkrank zerscht und dänn pumperlgsund.

I woäß, wio iohr, as git ou Sacha
dio siond uom selb nid all zum Lacha.
Niomm's 'z Hearzo, woascht, bios jo nid öd,
blös numma lacha, däs wär blöd.

Ischt dor a Sach i d' Hosa gango,
heascht du dor d`Schadofröid iegfango,
laß roto, lach, wenn d' gschied sie wit,
lach dänn mit dina Äffar mit.

Lach nid blös still, nei, lach ou lut,
Will 's lacha koschtat dä kuon tut.
Wit alta dä vor d' Lüt no troua,
Muoscht zitlä zum Humörlä schoua.





Was wit denn no meh ?

(AS016-.03.12.86)




(blös a Liedlä)


Viel Sunno im Summor,
im Wiontor viel Schnee,
guot Weattor dahuom,
säg was wit deänn no meh.

Im Kämma a Sulä
und 's Faß voll zum Rand,
guot Easso und Trinko
hebt d' Seel beianand.

An Engol vo Wieblä,
wo reocht dä vorehrt,
di hätschlat und tätschlat,
wo di nid ispert.



(ASP/016-3.12.86)



flexibel bliebo

(AS018-27.01.90)

I säg öü gern, wio 's om öü stoht
und daß nünt mä vo selbor goht.
Ihr müosond alls bewußtor macha,
und viel bewußtor schmunzla, lacha.


Ma heat mit etlä Fuchzga Zit
zum nochä macha, wenn sä 's git.
Ma söt an schüona Sacha fiela,
söt döt, so guot as goht, vorwiela.

Das Miondor söt ma üborgoh.
As söt nid all uos üborke,
wenn eapas nid wio fründor tuot.
Do lorgor tuot uom numma guot.


Ma söt all ehndor selb ussuocho
d'Wiebeerlä us-om truckno Kuocho.
Ma wüort 's wol seal-sä 's richto dörro.
söt all Tag no felxiblor wörro.

Wenn-d-du a klä beweglä bioscht,
genüsslä piplascht, gwährlä ioscht.
Wenn d'andrä, wio sä siond, ou loscht
hoäßt däs, daß s'Leabo fascht vorstohscht.

Wenn d'selb dor 's richscht,
und wenn-d-dä trouascht,
am Morgo scho zum Reachto schoascht,
dänn kascht dä ou am Obot troua:
und kascht mitliob in Spiogol schoua.



(ASP/018 - 27. 1. 1990)



Versmößor

(AS019-07.07.90)



da oder (oder °) ist lang und betont
di oder □ (oder -) ist kurz und unbetont)

□	□	□	□
□	□	□	□
di da	- di da	- di da	- di da
di da	- di da	- di da	- di da
- °	- °	- °	- °
	- °	- °	- °

Im Jambus schreibt ma alls das Guot.
Ar focht sa lind, sa weich all a.
Ar ischt an Vers, wo jedom tuot.
Ar ischt dar licht, wo jeda ka.

□	□	□	□
□	□	□	□
da di	- da di	- da di	- da di
da di	- da di	- da di	- da di
o _	o _	o _	o _
o _	o _	o _	o _

Bim Trophäus, wo sa ruch ischt,
darscht nid gär z' lang dä vorwiela.
Niomig wettit, daß as Bruch ischt
z' schriebot gär z' viel grobä Ziela.

□ □	□ □	□ □
□ □	□ □	□ □
do di di - do di di - do di di		
do di di - do di di - do di di		
o - -	o - -	o - -
o - -	o - -	o - -

Schwingo und singo im Walzartakt,
 Daktilus hoäßt ar, wo jedon glei pack.
 Mascht 's kaum ar bremsa, so renno du tuoscht.
 Däs ischt a Versmoß wo d' kenno muoscht.

□ □	□ □	□ □
□ □	□ □	□ □
di di da - di di da - di di da		
di di da - di di da - di di da		
- - o	- - o	- - o
- - o	- - o	- - o

Gär nid liecht, bodo alt, wenn nid gär,
 fascht antik, g'frohero kalt, ehndor schwär,
 Anapest, mirkscht dor däs, wo nid z' letscht
 bremsat all; ou so gär, wenn d-on hetzscht.

